

17

EXERCITATIO  
INAUGURALIS,  
DE  
INGRESSU HUMORUM  
IN CORPUS HUMANUM.

QUAM,  
ANNUENTE DEO TER OPT. MAX.  
*Ex Auctoritate Magnifici Rectoris,*  
D. FRANCISCI FABRICII,  
S. S. THEOL. DOCT. HUIUSQUE, NEC NON  
ORATORIAE SACRAE, IN ACAD. LUGD. BAT.  
PROFESSORIS ORDINARII, UT ET EC-  
CLESIAE IBIDEM PASTORIS;

NEC NON  
*Amplissimi SENATUS ACADEMICI Consensu,*  
*& Nobilissimae FACULTATIS MEDICAE Decreto,*  
PRO GRADU DOCTORATUS,  
Summisque in MEDICINA Honoribus & Privilegiis  
ritè ac legitimè consequendis,  
*Eruditorum Examini submittit.*

CROMWELL MORTIMER, Anglo-Britannus.

*Ad diem 9. Augusti 1724. horâ locoque solitis.*



Ex Officina BOUTESTENIANA.





NOBILISSIMO. VIRO.  
HANS. SLOANE.

BARONETTO.

MEDICINÆ. DOCTORI.

COLLEGII. REGALIS. MEDICORUM.

LONDINENSIS. PRÆSIDI.

BRITANNORUM. EXERCITUUM.

MEDICO. GENERALI.

REGIÆ. APUD. BRITANNOS. SOCIETATIS.

MEMBRO. EXIMIO. EJUSDEM. QUE. JAM.

PRIDEM. SUMMA. CUM. LAUDE. ACTUARIO.

REGIÆ. SCIENTIARUM. APUD. PARISIENSES.

ACADEMIÆ. SOCIO. DIGNISSIMO.

&c. &c. &c.

S. Q. D. P. M.

CROMWELL. MORTIMER.

**P**RÆCLARUM, quod tua TIBI Me-  
rita apud omnes Idoneos Ingeniorum  
Æsti-

Æstimatores & Judices comparavêre, No-  
men, præcipuè quidem per singularem  
Historiæ totiùs Naturalis, TIBI quasi pro-  
priam Cognitionem; tum generosa, quâ  
veros Bonarum Artium Cultores foves,  
Benignitas; lenissima denique, quâ mol-  
les ad TE aditus Cupientibus præbes,  
Morum Comitas; faciunt, ut, testan-  
dæ Reverentiæ ergô, ausim hæce TIBI  
Primitias Academici Laboris offerre!

Fave Incœptis, Gloriamque NOMI-  
NIS TUI patiare vilibus his inscribi  
Chartis!

Incolumem TE, feros in Annos, præ-  
stet DEUS! faxitque, ut digniori ali-  
quando Munere GENIUM TUUM  
venerari mihi fas sit: vale.

Dabam Lugduni Batavorum  
Calendis Augustis  
A. C. CIO IDCCXXIIII.



# EXORDIU M.

Cum Lege cautum sit Academicâ , ut omnes , qui hâc in Universitate Doctoratum ambiunt , Pensum Inaugurale libelli instar imprimendum curent ; & Ego , eâ causâ , invitum licet fructus in Lucem edere præmaturus hosce coactum me comperio : Etenim quàm lubentissimè mihi met laborem hæcce papyro inscribendi incompta Mentis Dictata , non suscipisse maluisssem , multò autem magis Publici Juris haud fecisse cupivisssem ! Materiem quod attinet , est ea de INGRESSU HUMORUM in corpus HUMANUM ; res scilicet apud Medicos semper pro verâ habita ; quam verò nemo quousque mihi adhuc inter Studiorum initia obvenit , dilucidè explicare suscepit ; Nobilissimus tamen Boyleus (a) Doctissimusque Bellini (b) quædam de hac re protulère.

Hisce autem Pagellis , B. L. si quædam oblata videas , quæ Veri , Proficuique imagine , ultiores aliquem suscipere Indagationes inducant , & vel sic Hominibus aliquid proventurum sit Boni , longè quidem ultrà spem profecerit subitissimè natum Opus ; quod ut politum magis tibi exhibeam , neque vel tempus permittit ; quinimò si & conarer , sub onere forsan succubituræ sunt tenellæ meæ Vires : Multum igitur Novi hîc ne quæras , quæso , cum Leges istæ , quibus si satisfecerim , Propositum obtinui , mansuetæ magis , quàm severi Homines , tam ardua non exigant ; contentæ nimirum Mentis in susceptæ Artis contemplatione exercitatæ specimine.

Diçtione [ Humorum ] utor , utpote Universali magis , quæ Fumos , Vapores , Halitus (c) quamvis sensibus nostris non subditos , comprehendat : Vulgus enim per Liquorem (d) notat fluidum Corpus sensibus subjectum.

Ex-

(a) Boyleus de Porositate corporum Animalium.

(b) Bellini de Sanguinis Missione , ubi de Balneis agit.

(c) Effluvia.

(d) Liquidum , Fluidum.

## EXORDIU M.

Experimenta citabo, per quæ, Humores intrare corpus Humanum, patet: dein Vias, per quas intrent, describam: Varietates denique Humorum, qui intrent notabo. Vale!

Solummodò ne gravè feras, Cui obtingit extrà Academiam hæc legere, cum Opus hocce sit merè Academicum, quòd Cl. BOERHAAVII Lectiones publicas, necdum impressas, & Cl.'s GRAVESANDI libros citem, reticendo ipsos Experimentorum Auctores; hoc te moneo factum à me ex proposito, quò Hominibus grati Animi documentum ergà hosce Præceptores meos testarer.

EXER.





E X E R C I T A T I O

I N A U G U R A L I S.

D E

INGRESSU HUMORUM IN  
CORPUS HUMANUM.

---

1. **I**nter Corporis functiones una fuit Exspira-  
tio Antiquissimis jam Medicis observata :  
sub vaporis specie e corpore exhalans, ocu-  
lis videtur Humor, frigido paululum aëre ;  
qui applicato metallo, aliove polito frigi-  
doque corpore, illud Roris cuiusdam instar obsidet,  
vel moto, plus quam consuevit, Animali, Liquoris  
formâ profluit (a)

2. Sapientissimus ille Medicorum Princeps HIPPO-  
CRATES, & post Hunc omnes fere, quorum Dog-  
ma-

(a) ὁ ἰδεῶς ὁ εἶναι τὰ γινώσκοντες, ὅς ἐξέχουσιν ὡς πῆρ ἐξ ὀχετῶν. Hipp. Ἐπιδη-  
μιῶν. VI. sect. 4. n°. 13. Edit. van der Linden. 8v°.



matibus vel Scriptis Tempus pepercit, Medici ad nostrum usque diem de hac consensere Expiratione, ut illi mutatae plurima adscripserint morborum Symptomata: Rem ante alterum seculum indefessus Sanctorius prae Caeteris omnium nitidissime probavit, stabilivitque Experimentis; & ex observationibus plurimis diversas variorum Morborum apparitiones (a) determinavit.

3. Hippocrates non modò expirabile statuit Animale corpus (b) sed & inspirabile; ἐκπνοον & εἰσπνοον illud pronunciando: hoc passim in ejus scriptis occurrit; quod non tantum in externâ cute, sed in internis partibus obtinere locus citatus edocet: κοιλίη enim propriè cavitatem denotat, & cum ventrem, vel ventriculum significat, hoc tantummodo dicitur, quia κοιλοί [cavi] sunt; hîc autem loci intelligere videtur fauces, pulmones, cæterasque internas partes, unde frigidiusculâ tempestate Vapor prodit visibilis: materiem emissam & admissam, spiritus i. e. subtile quid toties memorat. Huic Doctrinæ nitebatur omnis apud Veteres Usus Unctionum, Balneorum, Emplastrorum & similium: per effectus enim Experientia eos docuit aliquid ex his intrare in Corpus; Quid verò esset, nisi subtile Ignotum (c), Quomodo intraret, nisi attrahendi facultate, vel spirituali (omnia vel durissima penetrante) Impetu (d) ignorabant.

4. Nobilissimus Boyleus in libro suo de Porositate multa producit Experimenta, Cutem, vesicam, pluresque alias membranas in Animalibus transmittere posse Liquores diversos, probantia; Aquam præsertim: Celebrerrimus quoque Bellini in tractatu de missione sanguinis,

(a) Φαινόμενα.

(b) Σάρκες ὅλκοι καὶ ἐκ κοιλίης, καὶ ἐξωθεν: δῆλον ἡ αἰσθησις, ὡς ἐκπνοον, καὶ εἰσπνοον ὅλον τὸ Σῶμα. Hipp. Ἐπιδημιῶν. VI. Sect. 6. n°. 1.

(c) Τὸ Πνεῦμα. (d) Τὸ ἐννοεῖν.



- nis, ubi de Balneis nonnulla profert, eadem demonstrat:
5. Ambo hi membranas poros habere volunt; hoc equidem in illis, quæ à corpore separantur, multis discissis vasculis, obtinere non inficior, in siccatis præcipuè aridisque: Quid verò censuri forent, si vidissent Ruyschianas impletiones cum oculis (plus quàm Lynceis) Leeuwenhoekianis? An dixerit Bellini (a) „ Frustrà laborant, „ qui comminiscuntur Oscilla vasorum, per quæ medicamentorum partes ad humores deriventur; cum membranæ omnes porosæ sint, & pororum foramina sufficiant ad derivationem earum partium ad usque Humores „: hoc Ego quidem relinquo sub patrocinio tanti in arte scientiæque Viri, in medio prolaturus, quæ hodiè nota corporis Structura, Hydrauliceque mihi indicavere, vel Experientia docuit.
  6. I. Multiplex EXPERIENTIA evincit reverà dari meatus Humoribus in ipsum Corpus ingressuris patentes.
  7. Hosce pono ab extimâ Corporis superficie ad omnes ejus interiores recessus, rectis canalibus in vasa liquores circumductos, & per Cor transeuntes, vehentia ducere: propterea, quod Humores, quos introducunt, sanguini immisti Effectus suos etiam in partibus ab Applicationis loco remotissimis, vel quoque in tota congerie (b) sanguinis notabiles edant.
  9. De vasis Umbilicalibus nihil dico, quoniam Foetui inserviunt solummodo, corpori materno annexo; Infanti verò semel in lucem edito obligantur, & in ulteriori ætate, oblitterata ferè, inutilia fiunt: de corpore Hominis jam nati, vel in statu proVectiori hic sermo habetur.
  10. Fauces, Ventriculum & Intestina his non annumero, quia perforant uno tramite totum Truncum à Labiis ad Anum

(a) in S. M. ubi de Medicamentis p. 202.

(b) Massa.



Anum usque; illa transmittendo, quæ crassiora sunt quàm  
 11. quæ Lacteorum oscula intrare possint; Internæ igitur  
 adinstar superficiei habenda sunt; Hisce addantur Na-  
 res, Aures, Urethra in viris, Vagina in feminis, &  
 omnes sinus, quorum membranæ similem habent cum  
 his Formam, scilicet cute durâ non obductæ, & in plani-  
 tie cum extimâ Corporis non sunt siti superficie.

12. In duas igitur superficies distinguo Corpus; unam ex-  
 teriorem Cute vestitam, aliam interiorem illâ destitu-  
 tam.

13. Cutem perforari liquet ex vulgari illo Mercurii de-  
 purandi, pressione per Corium, Experimento; Boyleus

14. (a) idem fecit in corio humano, cum simili successu,  
 æquè permeabile illud, ac Brutorum, reperiens. Aquam

15. per cutem è capite Humano desumptam penetrare pa-  
 tet apud Bellini (b). Sed cum cutis adhæreat adhuc vi-

16. vo animali, Aquam in corpus penetrare declarant toti  
 Balneorum tepidorum Effectus: meatus porrò, quos

\* 7. propono non tantum extare, sed ut dixi \*, in vasa cir-  
 cumvehentia ducere evincit, vetus iste certusque mo-

17. dus salivationem per unctiones Mercuriales ciendi; Mer-  
 curius enim non tantum huncce producit Effectum, sed  
 sese in semotissimas Corporis cryptas insinuavisse visus

18. fuit, quoùsque vis cordis eum propellere poterat, per-  
 vadens; ubi autem extra hujus Dominium antra inve-  
 nit, substitit ibi, collegitque se: sic in cavernis Ossium  
 (c), in cellulis Membranæ adiposæ (d), guttatim exstitis-  
 se; in Perinæo (e) inventum; per urinam, alvum, sa-  
 livares ductus imo & sudoris excretum Mercurium,  
 omnia veri habentem signa, fuisse fertur.

19. Vesicatoria idem probant; si ex Cantharidibus fiunt,  
 simili-

(a) De poros. corp. Animal. cap. 3.

(b) de M. S. ubi de Balneis, p. 144. &c.

(c) vid. Sennert. lib. 5. cap. 15.

(d) apud Authores de lue Gallic. tom. II. Alex. Trajan. p. 110 & 135.

(e) Mead. on Poisons. Essay III. p. 109.



- similiter afficitur vesica, ac si ore assumptæ essent (a).
20. Purgantia (b) quædam, & Vomitoria cuti externæ (c) applicata, Effectus suos edere constitit. Unguentis aromaticis pectori illinitis Hominem ructus odoratos continuo edere; similibusque capiti applicatis urinam odoriferam fieri traditur. (d)
22. Cum igitur medicamenta cuncta vim in arteriis, non venis exerant, motu à corde accepto, ut ad loca destinata pertingant; Effectus, quos factos demonstrant supra \* citata Experimenta, non nisi admissis istis corporibus in venas, unde per cor & arterias transirent, produci posse certò liquet.
23. Interiores membranas æque ac cutem perforari totuplicia Experimenta: in Naso & viciniis inebriatio per vaporis Vini, odor Croci, Opii que torpescens; in Ore & faucibus fitis quàm ocyssimè per retentum aliquem blandum liquorem temperata; Refectus, qui sentitur subito à spiritibus quibusdam assumptis; in Pulmone & Larynge effectus Vaporum & Gargarizationum in pluribus harum partium morbis; extrà dubium posuere.
24. Ventriculus, Intestinaque non modò subtilia illa habent vasa; sed, cum à Numine ad alimenta præparanda sint destinata, quæ horum partem tenuiorem capiant, vasis sunt prædita, Lacteis vocatis: quorum per Mesenterium cursum, conspicuumque Intestinorum amplexum oculus assequitur facilè; liquorem autem, quem
25. vehunt, ex Intestinis accepisse declarat Ligatura eorum

(a) Bellini de M. S. ubi de Stimulis. p. 187. & quotidiana observatio.

(b) de his plurà apud Pechlin. de Purgantib. cap. 8. cap. 29. ad finem. & cap. 30. [c] Boyle de Porositate corp. Animal. cap. 3.

[d] teste Theophrasto lib. de odoribus. vide Barchys. orig. Medicin. p. 504.



rum (a), unde turgent versùs Intestina, concidunt verò in averſâ parte.

26. His positis, omnes Membranas, ad quas pervadit externus Aër, foramina, quæ fluidiores quosvis Humores admittere valeant, habere constat: præter has porrò dantur in Corpore cavitates quædam intimâ sub  
 27. ejus mole (b) reconditæ; quales sunt Cerebri ventriculi, Thoracis Abdominisque cavitates, Pericardium & similia: in his continenter exhalare rorem subtilem apparet, apertis Animalibus vivis, vel statim post mortem tepidis adhuc; fumus quippe ascendens percipitur, & cum nullus in his, sano Animali, deprehenditur Liquor; præter aliquantulum in pericardii cavitate, quo attritus inter cordis hujusque superficies impediatur (c); hunc iterum assiduò resorberi certum documentum est: sin aliàs eveniat, ecce unum *Ἀσκήτης* ortum. Quod ve-  
 28. rò in cadaveribus [frigidis] Aqua in his reperiatur, exinde oritur: Arteriarum contractilis vis, ideòque contentorum Liqueurum expulsio (inanitæ enim ut plurimum post mortem Arteriæ conspiciuntur) satis valida post ultimam efflatam animam per temporis quoddam spatium permanet; crassioribus in Venas secedentibus, Humores subtiliores per ultimos canales exhalare soliti, & jam protruduntur; calore vitali cessanti condensantur, Vaporis in alembico instar; flaccidis factis membranis cunctis, oscula venarum concidunt, nec Actionibus cæteris continuatis, quæ Resorptum adjuvent, in Guttas primò, in Aquam dein satis copiosè colliguntur.
29. Puris multis in affectibus ex his cavitatibus resorptus & per urinam alvumque excretio hoc satis arguere videtur.

## II.

(a) vide Wallæi epist. I. ad Bartholin. de motu Chyli.

(b) Substantia. (c) Mechanici docent ad attritum evitandum optimum esse oleum aquæ subactum: sic hîc cordis pinguedo Oleum, vasa exhalantia aquam necessariam suppeditant.



30. II. VIAE jam, per quas HUMORES intrare possint, describendæ veniunt: & quomodo illos admit-  
tant, explicandum.
31. Quantoties apud Veteres resonant Pori corporum!  
\* 5. & cum His Recentiores membranas \* porosas autu-  
mavere quidam: Quid autem cum virtute in fune, quâ  
Aqua extus applicata introtrahatur, Ingressus Humo-  
ris corpori animali apppositi commune habeat, nullate-  
nus perspicio secundum Quorundam sensa. Nonne cor-  
pus animatum perfectius Numinis opus, quàm inani-  
matum extat? Hoccine cum Spongia Pumiceve simi-  
lem, quis credat structuram habere, qui Hujus miran-  
das actiones, cum Earum inertia conferat? Glandulas  
spongiosas, Pulmones spongiosos, Hippocrates cum  
multis Aliis appellat (a): aliam diversamque longè, sta-  
32. bilita ab Harveio Circulationis Doctrina, humores uni-  
versos per Arterias ad omnia loca ferri, perque venas  
33. ad cor referri demonstrans; Leeuwenhoekii vitra, san-  
guinis rubri, flavique iter oculis subjicientia distinguen-  
do, quomodo, sapientissimo ordine, ad fines Arteria-  
rum in venas redeat, per ramos Arteriarum distribua-  
tur laterales, inque his similes recipiatur venas, do-  
nec in serie tertiâ præ pelluciditate visum fugiat; Im-  
34. pletiones porrò Ruyschianæ canales omnes, quousque  
materies ejus ceracea penetrare possit, non secus ac  
Plethora febri violentæ juncta, turgidos distentosque  
reddentes; nobis patefecere Fabricam.
35. Ab arte Ruyschii plurima ob translucidam formam  
prius invisibilia vasa, materie opacâ referta jam veniunt in  
conspectum: Oculis vitro mediocriter amplificante adju-  
tis manifestè apparet partes illas pro spongiosis habitas  
\* 31. \* olim, vasculis innumeris constare, nec non ordina-  
tis, sed quousque sensus nostri assequi possint, iisdem  
Legibus, subjectis, quibus majora, scilicet, trunco Ra-  
36. mos suos dante vel accipiente, Venâ arteriam suam co-  
mi-

(a) περὶ αἱμάτων. I. ibid. II. περὶ φλεβῶν XIX.



- mitante, vel faltem liquorem ejus revehenti: cum igitur in his Parvis similis videatur ac in Majoribus ordo; in Minimis, invisibilibus licet, congruam per omnem seriem obtinere constitutionem arguit quàm maximè Ratio.
38. Arterias recto cursu extrà cutem patere non tantùm Perspiratio, Sudorve docet; sed, modò relaxatæ paulùm quòd sanguinem ipsum rubrum finibus suis deponant; en hujus Rei exemplum vivum Puellæ Amstelodami (a) evacuationes menstruas, sudoris instar cruenti, per totam capitis cutem pati solitæ: per cutem Digiti, per Oculos, per Pulmonem, cæterasque membranas internas \* effluxisse menstruum è Feminis cruorem plurima recordantur exempla (b): Ruyschius (c) arteriarum fines [Gossypii tomenti instar] veros esse sudorem transmittentes per totam cutem canales, pronunciat: per ventriculi intestinorumque membranas meavisse ceram ejus, declarant plurimæ ab egregio Viro factæ Præparationes; in cavo ventriculi [obtruncatæ quasi] quòd apparuerint Arteriarum extremitates numerosissimæ (d), perque arteriam Mesentericam (e) impulsæ cera in Intestina eructata fuerit, testantes.
40. Arteria itaque cum extrà Corporis superficiem osculum habeat, cum toto itinere ramos ad venam comitem det; quòd Venæ, suprà primum ab Arteriâ acceptum ramum, aperturam quoque extrà Corpus habere liceat, indicare non modò, sed probare videtur Venarum Arteriarumque ubique respondens \* decursus. (f).

Ab

(a) Ruysch. adv. decas III. p. 14. (b) Schenkii-obs. de menstribus alieno loco prodeuntibus. p. 633. &c. (c) Adv. decas I. p. 12. (d) Thes. II. p. 39. 40. 41. tab. V. fig. I. & Thes. VI. p. 26. (e) Thes. II. p. 4. & Thes. IX. p. 60. n°. LXXXI. (f) Ruysch. memorat poros diversæ formæ Thes. I. p. 26. 28. n°. VI. Thes. V. p. 41. n°. XCII. 1°. Corpus reticulare. Thes. VIII. p. 34. Injectæ ceræ per venas Mesentericas vermicularum instar propendent in cava Intestinorum rudimenta, uti videre est apud Cl. ALBINUM.



41. Ab hisce memoratis patet per Arterias ultimas in superficie Corporis fitas exhalari è Corpore ; per quosnam autem canales inhaletur, cum de re ipsâ nullum sit Dubium, Hydraulicè nobis indicabit quàm facillimâ cum ratione.
42. Arteriæ, sive rami sive trunci (hi ad cor, illi ad ortum ex majori trunco basin habentes) sunt Canales conici, Liquores contentos à latâ basi in angustiore apicem protrudentes ; in ultimis verò vel aperti extrâ  
 \* Corpus, vel laterales ramos venis \* porrigentes; qui  
 \* 38. 41. rami cum certam angustiam adepti sint, latiores facti  
 \* 36. in majorem venam aperiunt, quæ iterum in majorem;
43. & sic porrò cunctæ, inverso Arteriæ modo, Liquores suos ab angusto in latum ferentes incedunt Venæ: hæ  
 \* 32. ad cor, illæ à corde \* vehunt. Sic rivo dato perpetuo  
 \* 38. per Arterias, vel extrâ Corpus \* vel in venas, Impetus effluentis Humoris obstabit quodammodò ingressui alicujus, isto quidem virium, quo ipse egredi nitatur;
45. nec Introitus dabitur nisi præpollenti externâ vi; æquante autem sistetur Effluxus: ad venarum autem Orificia,  
 46. nulla ex his inveniuntur Obstaculis; canales sunt continuo latiores facti, Liquores fluunt ab extûs interiora versus, eò propter insertionem rami in truncum, propter truncum hæc à parte non resistantem fluxui, [per valvulas (si forsitan hîc uti & in magnis adsint) impediennes vel regressum in ramum, vel regurgitationem  
 48. in ipso trunco] determinati: quinetiam id Liquoris, quod ex ramo Arteriæ iverit in venam, nullatenus resistere poterit influxui in eam, post obstacula in angustis illius rami Arteriosi passa; quæ certè id virium, quod supererat, obtusura sunt maximè; ut si aliqua hîc equidem minor futura sit in omnibus fermè casibus Resistentia, quàm in Arteriis; Venas igitur esse ingressui  
 49. Humorum destinatas deduco: quod verò vis imprævisa efficere poterit in contrarium, mei non est hîc differere. Porrò unico in casu, videlicet, Vi ingressuri Hu-
- B
- moris



\* 45. moris præpollenti \* impetui egredientis, adeò illam  
 \* 44. hunc superare posse; ut rivum \* Humoris egredientis  
 sic retro-vertat, ut non modò per Venas, sed & per Ar-  
 terias se insinuare possit, usque donec in Arteriis pro-  
 prioribus cordi, impetui æquilibranti occurrat; est  
 50 admodum verosimile: veluti Maris Æstus repellit ma-  
 ximorum Fluminum cursus, cogitque minores in ista  
 delabentes retrofluere Amnes, donec ex æquo pendeant  
 Aquæ.

51. CUTICULA totam cutem externè obvestit, cu-  
 jus fabrica docente Leeuwenhoekio (a) hujusmodi per-  
 hibetur: Cutis tota suprastruitur tribus squammarum  
 seriebus, quæ si auferantur, illicò profluit cruor; ideo-

52. que squammæ hæ cuticulam formantes videntur fini-  
 bus Arteriarum instar valvularum adstare, & vi aliquâ  
 externâ eas ad cutem comprimente, exitum (nisi im-  
 petus in Arteriis eas elevare possit), introitum autem  
 penitus impedire; sic aquam [ frigidam ] ait (b)  
 nullius animalis corpori subintrare. In Liquore autem

53. [ tepido ] se subter eas insinuante cum nec supernè nec  
 infernè plus comprimantur, fluctuabunt suspensæ quasi,  
 (veluti Retinam oculi, vel fimbrias tubæ Falloppianæ,  
 ut se expandant, in aqua agitamus) Liquorisque ap-  
 plicatum osculis Vasorum permittent liberum; imò a-

54. gitato liquore juxta cutem, sicuti totidem obstacula po-  
 terunt retardare ejus præterlapsum, inque vasorum o-  
 rificia, accumulatum quasi, determinare: tota quoque

55. Cutis in colliculos assurgit (c), ut sic patentia vaso-  
 rum Orificia ad omnes respiciant partes; unde quædam  
 rectè accipient Liquoris aliquid, undecunque applicetur;  
 alia quædam ab averso Eminentiae latere emittent  
 suos.

Uni-

(a) Arcanorum. p. 47.

(b) ibid. p. 465.

(c) idem. Epist. XLIII. p. 408.



56. Unica squamma plura obtegit orificia; (d) Ultra-  
centenæ squammæ cum granum fabuli latum vix æ-  
quent, sub isto spatio quot dabuntur orificia, quàm  
innumera per totam Corporis superficiem extabunt!  
Conceptu facili admitti potest dari in Lineâ Unciam  
unam longâ, 10, 000. ideòque pes longus habebit 120,  
000. pes verò quadratus intra suum spatium includet  
14, 400, 000, 000. Quis autem negare audet vel  
10, 000 totidem extare? Cum itaque nusquam minor,  
par autem majorve venarum, quam Arteriarum ubique  
in Corpore reperiatur numerus, per dimidia hujus nū-  
meri orificia videlicet 7, 200, 000, 000. in spatio pe-  
dis quadrati Humorem ingredi posse ponendum vide-  
57. tur; hocque per totum Corpus externum, nisi ubi ob  
callos vel aliter, adeò durum & cornu simile factum  
fuerit, ut nil transmittat, quod ab ariditate in hoc ca-  
su talium partium apparet.
58. Observatio porrò statuit canonem huncce: Quò pars  
plus exhalet, eò plus inhalare poterit. Sic internæ  
\*11. \* membranæ plus emittentes, plus admittunt: majora  
igitur vel plura habent orificia.
59. Ubi desinit Cutis & membrana Adiposa, Cuticula  
videtur continuari in membranam unitam, non amplius  
\*52. squammosam \*, sed politam; sic liberum exitum, in-  
\*53. troitumque \* obtinent hîc Humores.
60. ORIS, Intestinorumque superficies plurimis elatæ  
\*59. villis, collibusque, membranâ illâ \* politâ obducun-  
tur: per Eminentias istas in majora spatia extenditur  
Membrana, ejusque ex orificiis aliquæ, rectè hiant  
\*55. liquori intraturo, uti suprâ de Cute\* dixi.
61. De CANALIBUS ipsis, quò facilius liquorem ali-  
quem admittant applicatum ad superficiem unde emer-  
gunt, sequentes obtinent Conditiones.

Se-

(d) id. Arcan. p. 48.



62. Sectio recta Canalis debet esse circularis: Circulus enim maximum includit spatium; maximam igitur liquoris copiam transmittere potest.
63. Axis canalis [admissuri] debet eam habere posituram respectu Directionis motus Liquoris supra superficiem, quam habebit Diagonalis parallelogrammi cujus Latus unum, exprimit Momentum Liquoris in directum; & alterum, ejusdem pressionem ad superficiem, unde emergit Canalis. Liquores enim premunt singulari pondere, & moveri possunt, unde ex his duabus Directionibus, orietur tertia Directio, juxta Legem jam datam (e).
64. NB. Ubi Liquor comprimitur undequeque in canali vel sacco inclusus; pressio Laterum Canalis vel Sacci contra liquorem perinde agit, ac æqualis à pondere liquoris orta pressio in canalis Latera.
65. Hinc \* sequitur, si liquoris motus in directum nullus sit, hoc est, quod quiescat liquor, Diagonalem \* coincidere cum pressione Liquoris; quæ cum per perpendicularum agat, hoc in casu, perpendicularis debet esse canalis ortus.
66. Quò autem plus motus in directum exsuperet pressionem, eò obliquiorem esse Diagonalem; & proinde canalis ortum similem fore: sic in omnibus aliis casibus
- \* 63. obliquus erit Axis \* canalis. Quinetiam, cum omnes
68. canales corporis nostri sint Coni \* vel, si mavis, Cylindri; utriusvis sectio recta exhibet Circulum \*, vel obliqua Ellipsin (f); cujus Ellipseos axis minor æquat diametrum sectionis circularis, major autem exsuperat, quò obliquior est Sectio, eò magis: & proinde spatium ab Ellipsi inclusum majus erit, quàm quod à circulo
69. illo comprehenditur; Amplius igitur patet canalis Orificium pro admittendo Liquore.
- \* 63. 67. Ex hisce \* positis concludere oportebit, ubi Liquor sem-

[e] s'Gravesande Elem. Phys. lib. I. cap. 22. n. 190.

[f] vide Apollon. de conis. Seren. de cylindris.



- semper movetur in eâdem Directione (premit enim vel reagit constanti Lege) canales debere obliquos oriri; ubi verò motûs Directio continuò mutatur, vel quaquâ-  
 70. verfum fit, perpendicularem ortum aptum esse aliquid re-  
 71. cipiendi in omni Casu; cum in obliquo, possunt dari  
 casus ubi nihil, aut parum subintraturum fit; porrò ubi  
 \* 64. quiescat Liquor, compressus \* quippe, cum Liquores  
 65. suo genio ad omnes partes perpendiculariter agant, hoc  
 modo dispositi ut sint Canaliû axes oportet.
72. Ad Cutem externam applicantur Humores vel solum-  
 \* 63. modo prementes \*, vel agitati \*; ambobus in casibus  
 \* 55. 69. perpendiculares debent esse canales.
73. Ori, naribus, faucibus idem \* accidit, unde & idem  
 \* 72. de Canalibus obtinebit.
74. In Stomacho autem, cum tubus sit muscularis for-  
 titer agens in Liquorem transeuntem per contractionem  
 suam; & motus per eum fiat celer admodum, confi-  
 \* 66. milis \* erit canaliû admittentium obliquitas.
75. In Ventriculo, musculari nempè sacco, contenta  
 \* 64. \* premente, motus in directum nullus, ceu minimus  
 datur, erunt itaque perpendiculares Canales.
76. In Intestinis idem \* obvenit, cum per rugas, in his  
 \* 75. Valvulas dictas, eorum cavitas præcludatur; pars enim  
 intercipiens Liquorem, perque musculos coërcens, motu  
 progressivo per eorum longitudinem tardissimo existen-  
 te (duri enim aliquid, diuturnum per hæc transeundo  
 impendit tempus), Canales perpendiculares, vel paulu-  
 lum juxtâ longitudinem obliquos habebit.
77. De LACTEIS hîc loci, quibus diximus \* prædita  
 \* 24. esse Intestina, quædam memorabilia notanda veniunt:  
 Oculus ea persequi potest per Mesenterium currentia,  
 Intestina transcendentia, amplectentiaque; donec, in  
 parte ferè à Mesenterio oppositâ, evanescant quasi se-  
 pulta in ipso Intestinorum corpore (g); vel quæ eòus-  
 B 3 que

[g] Bidloo Tab. XXXIX. fig. 1. G.



- que in conspectu repunt, sunt numero paucissima (h) minimaque: Ea in Intestina hiare, liquor contentus &
- \* 25. Ligatura \* probant; orificia licet præ minutiâ-aciem nostrorum oculorum subterfugiant (i): numerum, capacitatemque eorum arguit celer copiosi à nonnullis epotati Liquoris, facibus alvinis siccis manentibus, Absorptus. Statim ab ore ventriculi inferiori, Pyloro, emergisse visa sunt (k), è Duodeno (l), è Tenuibus semper ubique, è Recto (m) quoque.
78. Quomodò in internâ Intestinatorum facie hiant; Quomodò tunicam muscularem pervadunt; non nisi ratio-cinio ex structurâ partium, earundemque functione deducto conjectare licet: veruntamen cum semel hanc transferint, videntur sub extimâ Intestini tunicâ decurrere in majores continuò canales collecta; dein ad annexum Mesenterii, derelicto intestino, inter hujus membranas pergunt, datis interim ramis Lympham ferentibus venis meseraicis (n); nec non Glandulis allutis, tandem in unum Ductum thoracicum unita ea relinquo; nec quomodo in sanguinem intrant, persequor.
80. Intestina sunt Cylindrus curvatus, cujus axis est linea parallela limbo Mesenterii, cui annectuntur Intestina
81. ipsa.
- \* 60. Interna eorum facies villosa \*, rugisque five valvulis

[h] Morgagni adv. II. p. 92.

[i] Ruysch. adv. decas. II. p. 10. Pori autem numerosissimi ab illo conspecti sunt, sed cujusnam canalis Orificia sint, non statuo: in ventriculo. Thes. II. p. 29. n. IV. & VII. p. 12. n. XIX. & X. p. 56. n. CXLI. In intestino recto. Thes. VII. p. 34. n. LXVI. Epist. II. tab. 12. f. 5. in colo Thes. I. n. IV. 1. & infiniti pori Th. IX. p. 60.

[k] Morgagni adv. III. p. 31.

[l] Heister compend. Anat. p. 200. &c.

[m] Morgagni ibid. ubi citat Needh. & Ramazzini. de clystere nutriente.

[n] Ruysch. adv. dec. III. p. 23. Morgagni ibid.



- \* 76. lis hinc inde confita est; quæ valvulæ \*, contracto intestino, ejusdem cavitatem (o) claudunt: Intestina itaque in plures quasi Cameras divisa considerari possunt; quod igitur uni ex his accidat, perpendam.
82. Villi isti Valvulæque \* superficiem membranæ internæ pluries augent, ipsamque laxam & pendulam quasi faciunt, ut sic libera semper sint Lacteorum oscula: in
83. motu vermiculari † musculi Orbiculares coërcent cavitatem, comprimuntque \* Liquorem contentum perpendiculariter ad axin intestini, ceu centrum sui orbis;
- \* 64. hinc itaque \* scilicet Latitudinis respectu, perpendicularem ortum habere debent Lactei canales: musculi Longitudinales curvituram intestini magis ad rectitudinem reducunt, sic quoque membranam internam laxant magis, corrugantque; quod videtur plus fieri in parte à Mesenterio oppositâ, quoad oculus judicare queat aperto animali, vel doceat major eorundem ibi observatus numerus: hâcque ipsâ eâdem actione hi longitudinales musculi ducunt annulos musculorum orbicularium propius ad se invicem, ut qui, cum elongata essent Intestina, angulum inter se fecissent, hi, ratione
85. hâc, paralleli ferè fiant: hinc canales, qui obliquè decurrerant per musculos orbiculares, dum extensa essent intestina, nunc ad perpendicularum magis eriguntur, & proinde Diametris (p) auctis, facilius dabitur Introitus Liquori applicato: & quoniam motus ille progressivus minimus, qui datur, versùs inferiora à ventriculo dirigatur, forsan obliquitatem minimam habebunt Lactei canales respectu Longitudinis Intestinorum; scilicet angulum obtusum facient versùs ventriculum: & sic orificia capaciora Liquorem recipiendo fient elliptica.

[o] Boerhaav. Inst. §. 103.

† Περίσπλινα.

[p] Euclid. Elem. lib. I. prop. 35.



87. ca. Liqueur hoc modo perfluit portionem canalis inter  
 \* 78. musculos positam; statimque invenit portionem \* suprâ  
 eos liberam nec compressam, eoque irrumpit, donec repleat  
 totam: tum promotâ copiâ Liqueoris, quæ ex superio-  
 \* 81. ri camerâ \* descendit ab ejus Lacteis non recepta, hæc  
 Camera iterum distenditur; cum verò Membrana à Me-  
 senterio porrecta Distentioni contra-nitatur, cedant  
 verò muscoli; portio illa canalis suprâ Hos, quasi in  
 prelo premitur, propelliturque Liqueor in majora, mi-  
 \* 78. nus resistentia, & libera vasa versus Mesenterium\*: Re-  
 trofluxus enim in Intestina præpeditur, angulo factò  
 ad emersionem \* è musculis, & collapsò ferè canali inter  
 \* 77. Musculos nunc obliquissimo, compressoque à Liqueore  
 distendente.
88. III. Quid requiratur in HUMORIBUS, ut subin-  
 trent; & varietates eorundem proponam.
89. Corpus nostrum, æquè ac alia, afficitur à frigore,  
 vel à calore: Humores etiam nostri pro suo genio mu-  
 tationes hinc patiuntur. Pro incremento frigoris vasa  
 nostra se contrahunt, vel ferè claudunt, ut nil emittant  
 (q) vel admittunt: ad certum autem gradum, congela-  
 tum emoritur Animal quodcunque; pro incremento è  
 contrâ caloris, se relaxant vasorum membranæ, & ori-  
 ficia patula magis fiunt; sed si ultrâ certum terminum  
 calor augeatur, Dolore orto, crispabuntur vasa & mem-  
 branæ; tandemque integrè consumetur ambustum A-  
 90. nimal. Frigoris itaque Calorisve applicatio debet inter  
 Limites sensûs Dolorifici usurpari: nam sensus hicce est  
 monitio labis (r) in parte quâdam instantis.
91. Frigus Liqueores condensando in solida duraque con-  
 vertit corpora. Calor Liqueores raros facit, solidaque  
 corpora in Liquida mutat: sic per varios caloris gradus  
 Me-

[q] Bellini de M. S. p. 152.

[r] Boerhaave. Aph. §. 220.



Metalla ipsa videmus (s) tumescere, in Liquorem tandem collabascere, & sæpe avolare in Auras; Glaciem quoque in Aquam fundi, hanc ebulliando in vaporibus evanescere (t).

92. Cum igitur Calor vel fundat durum quodcunque, vel ad fusionem ut vergeat, disponat; cum Elementa duri inter se variâ vi cohæreant, fluidi autem minimâ, vaporis nullâ; sequitur, quòd Calor minuat vim cohæfionis, vel adjuvet separationem faciliorem reddendo, vel ipsam efficiendo.
93. Maxima Amplitudo particulæ intraturæ debet esse minor Diametro canalis, per quem intrare oportet.
94. Liquores premunt (pro suis singularibus naturis) secundùm amplitudinem superficiei sustinentis, & eorum suprâ hanc altitudinem (v): coërciti autem reprimunt æquali vi.
95. Liquores similes attrahunt se invicem, & uniuntur; hos etiam latera canalium attrahunt, maximè imbutorum priùs simili (x).
96. Quòd faciliùs separantur Liquoris Elementa, eò minorem requirunt vim, ut propellantur in canalem; nam illa, quæ respondent aperturæ Canalís, incident quasi, nec vicinis adeò cohærebunt à lateribus, vel posticis.
97. Liquores Elastici agunt non tantùm pondere premendo; sed etiam vi, quâ partes eorum conentur se invicem effugere, repellanturve; Quæ vis à calore crescit (y) monstrantibus variis Aëris, Vaporumque Effectibus (z).

His

[s] s'Gravesande. Elem. Phys. lib. III. c. 1.

(t) De Sublimat. & Distillat. Chymicorum vide Freind. Prælect. III. & IV.

(v) s'Gravesande. ibid. lib. II. c. 2.

(x) Ibid. lib. I. c. 5.

[y] Ibid. lib. II. c. 13.

[z] Id. lib. III. c. 5. n°. 607.



98. His igitur præmissis deduco; Corpore calori maximo Dolorem nondum facienti exposito, laxatoque; Humore ejusdem caloris; cujus partes minimè cohæreant, vel facillimè separentur, separatæ verò minores sint Diametro canalium; qui à canali attrahatur, vel consimilis sit illi, jam pridem in canali existenti; qui premat ipse, vel prematur ab extranea vi; talem, inquam, Humorem aptissimum esse intrando in canales
- \*<sup>40</sup>. \* corporis nostri: & quò hæ conditiones plures & magis concurrant, eò majori copiâ intraturum esse.
99. Humores autem in naturâ existentes, qui quodammodò his præditi sunt conditionibus; saltem qui corpori subintrare videntur, sunt hi.
100. 1. Halitus, ex variis Plantis, Animalibus, Minerisque spirantes; quorum nonnulli sunt adeò subtiles, ut orificiis canalium subintrent, quantumvis constrictorum, modò haud clausorum penitus. Sic Juglans, Taxus & plures aliæ plantæ expirant quid torporem, imò mortem inducens. Euphorbii halitus necat; uti norunt succi ejus Collectores, qui ideò secundo vento eum educunt. Cætera exempla similia nimis numerosa sunt, quàm ut hîc memorem cuncta.

Ex Animalibus videlicet Cantharidibus, Halitus per cutem manûs penetrantes, solummodò in eâ retentæ cum essent paulisper, Vesicam æquè malè affecere, ac si per Os deglutitæ essent ipsæ illæ Muscæ (a): vel quod plus Miri adfert, gestato in perâ ex his facto Cauterio à Chirurgo quodam (b), huic subortus est cruentus Mitus.

Animalia juniora aliquid expirant, si eorum corpus applicetur corpori senili, quod senectutem (c) mirè refocillat. Ex sanguine etiam vivorum Animalium applicato,

[a] & [b] Vid. Schenk. obs. lib. 7. p. 873.

[c] Liter. Sacr. non cito; sed vid. Bacon. hist. vitæ & mort. oper. IX. §. 25. &c.



cato, Antiquitùs (d) fiebant fatus, imò Balnea, effectibus equidem suis non carentia, nimirum rigidas partes malaxando, nervosque confortando; videtur enim quid eorum succis quàm simillimum præbere, quod intret Corpus: sed an Lac recens tepidumque eadem effecturum sit, sine ista crudelitate, admodum suspicor.

Animalia quoque Morbosa, diversos morbos aliis communicare possunt; sic à simplici contactu vel concubitu in eodem lecto, videmus Luem veneream, Variolas, plurimosque alios morbos, (contagiosos dictos) sanis Hominibus quasi infundi.

Minerarum quarundam Halitus dantur adeò exiles: ut dura quæque sine relictâ transitûs notâ pervadant, sic duplicatum corium transibunt spiritus ex sulphure, sale ammoniaco, calceque vivâ confecti (e), nullo post se relictio vestigio. Ipse vidi infusionem Auripigmenti cum calce vivâ apud Lemery (f) descriptam, per librum admodum crassum penetravisse, sine vel minimâ in paginis, ne quidem ullâ, factâ mutatione.

Vapor Mercurii loquelam sustulit (g). Antimonii vapor alvum est observatus solvere (h).

101. Quàm innumeri igitur hâc viâ, sive externè, sive internè applicentur tales Halitus, quàm ignotæ naturæ oriri possunt Morbi!

102. Hinc quoque liquet Rationi absolum non esse, credere corpora quædam à Numine facta extare, quæ applicata Corpori nostro suos proprios effectus producere queant, ad modum Amuletorum apud Antiquos, quæ virtutem suam per halitus invisibiles emissos Corpori nostro impertiant; non autem, uti somnia ista finxere, quæ

[d] Id. §. 11. &c.

[e] Boyle de Por. Anim. cap. 4.

[f] Cours de Chymie. p. 390.

[g] Schenk. obs. lib. 7. p. 821.

[h] Pechlin. cap. 10.



quæ insculptis certis dictionibus, per religionem quandam vel fiderum consensum, facultates (i) mysticas exercent.

103. 2. Spiritus, qui sunt Liquores omnium fluidissimi subtilissimique; nimirum, uti per Artem existunt, Plantarum fermentatarum partes volatiles, vel Mineralium tales vi ignis elicitæ: priores intrant, uti quotidiana Compotatorum ebrietas docet, vel idem effectus ab nimia eorundem externâ applicatione; posteriores verò, quia vi rodente præditi sunt, applicati destruunt vasa nostra, sic suos Ingressus ipsi impediunt.

104. 3. Succus vegetabilium; præsertim fermentati, sic Vina; uti inebriatio, vel ab ejus halitu in cella alicui non assueto, imò à fomentis largioribus externè adhibitis sæpe docuit in pueris: [„ de hac CL. BOERHAAVE monebat, Medicos eam ut plurimum pro Delirio vi morbi orto incautè sumere.„] sic Acetum; quod per fetus intrans in sanguinem, eum attenuare videtur, cum si rectè in Venam majorem injiciatur, eum coagulat.

105. 4. Olea, quæ suâ naturâ viscosi sunt Liquores, calidiores potius occlusuri, quàm intraturi; Caloris\* tamen\* frictionis\* que opibus adjuta (k) in Corpus se insinuant nostrum.

106. 5. Aqua, de hac modò tepidâ\* nemo dubitat; Quotidiana enim clamat Experientia: tam epota, quam externè per balneum adhibita.

107. 6. Argentum vivum, cum partes ejus per viscosum quid, uti unguentum, separatæ teneantur, si vi externa quoque impellit ingredi potest, uti monstrat\* 17. vi\*.

108. Dura solidaque ex se Corpora sequentibus, quos ex Chymiâ assumamus, modis in partes suas divisa, solutaque Canalibus nostris intrandis\* apta redduntur.

1. Per

(i) Le Clerk. hist. de la Médecine part. I. c. 12.

(k) Bellini ubi de balneis, in M. S. p. 150.



109. 1. Per Ignem vel Solis calorem, in Aurâ volitare fiunt partes Aquosæ, Spirituosæ, Oleosæ, Salinæ multorum durorum corporum; & sic specie fumi, vaporisve Corpori nostro applicantur.
110. 2. Per Alcohol, solvuntur Resinæ; diluuntur Olea.
111. 3. Per Succos Vegetabilium, præcipuè acetum, solvuntur Sales & Metalla quædam.
112. 4. Per Olea, solvuntur Resinæ; & ex his cum Salibus unitis fiunt Saponēs.
113. 5. Per Aquam, solvuntur Gummi, & Sales. Aqua in se trahit Halitus, Vaporesque quoscunque; modò per satis amplam superficiem iis exponatur: Aërem quoque imbibit, qui dormibundus quasi latet, nec Elasticitatis signum exerit, ante sublatas duas circiter tertias pressioni Atmosphæræ; nec posse aërem, nisi sic solutum in Elementa, intrare in Orificia Canaliculorum plùs satis magna pro admissu Aquæ, experimenta docuere<sup>(1)</sup>: Aqua se commiscet intimè, diluitque Spiritus tam vegetabiles, quam minerales, Vina, Acetum, Saponēs, omnesque præter Olea plantarum succos expressos; ad quemcunque datum diluendi gradum.
114. 6. Per Argentum vivum, cum Aqua quasi Metallorum sit, hæc in amalgama solvuntur; quod dilui potest, per quamvis Argenti vivi copiam: adeòque Argentum vivum solvit Aurum, Argentum, Plumbumque, uti Aqua horum Sales ceu Vitriola.
115. Experienti facillè patebit Liquorem quendam, pari \*  
\* 92. calore, certam copiam Corporis Solidi, quod solvere potest, abluere; cujus solidi, si plus adjicias, id non solutum in fundo hæsurum esse.
116. Depurationes porrò Chymicorum per filtra monstravere liquorem illum nihil de copia \* istâ soluti  
cor-

(1) De hoc coram Academicis CL. BOERHAAVE in lect. publ. de aëre plurima instituit experiment.



- corporis deposuisse, sed totum secum transvexisse; imò
- \*115. Aërem cum \* aquâ permeavisse corium Antlia aërea confirmavit: nec quod aqua marina dulcis fiat trans lapidem porosum colata, vel quod fontes dulces inveniantur propè littus maris, contrarium huic arguit; nam pori in lapidibus, & inter arenas meatus, facile conspiciendi sunt, hiantes satis particulis longè majoribus, Aqueis transmittendis: sed si corpus aliquod in istis meatibus collocetur, quod salem solutum \* fortius trahit, quàm partes Aqueæ; vel quod salem trahit, Aquam repellit; fieri potest, partes salinas Lapidi, Arenæve adhæsuras, aqueas verò facile permeaturas esse. Quin-
117. etiam si concedatur, quòd Elementa Liquorum sphærica sint, & quaterna sibi invicem in contactu apponantur (quod si hîc loci foret, facile demonstrare liceret): Cum inter quatuor sphæras relinquatur spatium vacuum, in quo nullum corpus locari potest habens ullam amplitudinem superans Diametrum unius harum sphærarum;
- \*115. si post solutionem solidi \* Liquor non se expandat in majus spatium, certò scitur particulas solidi adeò parvas esse, ut latere possint inter 4 has sphæras, nec eas è contactu separent, ideòque minores esse unâ ex sphæris: si autem expandatur Liquor post solutionem, signum est solutum corpus magis amplum, quàm spatium inter 4 sphæras, eas è contactu sejunxisse,
118. ratione expansionis Liquoris: vel si solidi soluti elementa etiam sphærica vel cubica supponantur; cum sphæra vel cubus, diametro vel latitudine superans Diametrum sphærarum liquoris, inter 4 istas locari nequeat, nisi separentur adeò, ut ultrà triplum spatium occupat liquor; aut si Diagonalis cubi Æquat Diametrum
- \*115. sphærarum liquoris, duplum; innotescet, An tale solidum \* intraturum sit cum liquore solvente?
119. Sic solutos Vegetabiles, Animales, Fossiles naturales, Metallicosque artificiales sales, in Corpus nostrum introducere potest Aqua; & proinde virtutem medicam



Ei adjungere valet Medicus ad libitum ferè.

120. Hinc \* videmus quomodò sub liquore latere possit so-  
\*117. lutum, quodcunque Corpus; cujus si virtus in nostrum  
corpus ignoretur, omne Genus ignotum Morborum  
oriri poterit, vel ab usu talis Liquoris, vel si tale quid  
volitet per Auras: & hinc morborum Vernaculorum  
(†) si ex natura Aëris, vel Aquæ; Popularium (‡) si his  
vel Diætâ, quibus omnes utantur, à novâ subortâ cau-  
sâ vitiatis; ortum & naturam videmus.

121. Hi Liquores sive simplices, sive solidis impregnati  
usurpantur apud Medicos vel internè, vel externè:  
Internè per Potionem, Clysterem, Gargarizationem,  
vel Suffitum naribus ori pulmonique applicatum; Ex-  
ternè per Lotionem & Collyria, Balnea, Stillicidia,  
Frictiones, Fodus, Cataplasmata, Emplastra, denique  
Vapores ceu Fumos. Quod igitur singulus modus per  
se conferat ad introductionem Humoris, percurram  
breviter, ab internis inchoando; ubi priùs notare o-  
122. portet Liquorem frigidum, si parvâ simul copiâ inge-  
ratur internè, brevè calefieri à Corpore nostro & ad  
eundem quidem cum illo gradum. itaque

123. 1. Potio, agit in Liquorem, dum transit, premen-  
do; nam organa, quæ Deglutitioni inserviunt, tran-  
\*64. seuntem liquorem premunt validè contrà \* membranam  
94. palati, faucium, stomachique; cum autem in Ven-  
\*64. triculum descenderit, illum hicce premit \* constri-  
gendo, & paulatim in intestina protrudit; quorum a-  
\* ctionem suprâ descripsi \*, scilicet, musculi Eorum ca-  
83-87. vitatem minuunt certâ vi; quæ vis cum nullis duobus  
Hominibus, nec in eodem per longum tempus æqualis  
inveniatur, ad nullum certum computum revocari po-  
tèst: hoc tantum scimus, quò fortior hæc vis agat (si

ora

(†) Ἐνδημίων.

(‡) Ἐπιδημίων.



ora Lacteorum non impediuntur aliquo modo in admittendo chylum) eò sicciores fore læces, & é contrà: unde plurima de Diarrhææ ortu, & Purgantium actione deduci possunt, quibus cum ad Egressum spectant hic supersedeo.

124. 2. Clysteres, cum Recto intestino, utique & Colo injiciantur, patiuntur ab his Intestinis compressionem; sed cum illa minus se contrahant, quàm tenuia, & cum hîc per minorem superficiem, ideoque paucioribus canalibus applicetur Liquor; & minori copiâ intrabit per anum injectus, quàm per os potatus.

125. Glandes (†) porrò in recto intestino, virtute singulari agere possunt, prout partes earum nonnullæ ab humo-  
\*115. 1c intestinali abluantur \*, resorbeanturque iterùm eodem modo ac Clysteres.

126. 3. Gargarizationes agunt per compressionem musculorum faucium, & per agitationem ab illis acceptam,  
\* 60. unde colliduntur \* in membranas ad omnem partem.

127. 4. Suffitus, sunt vel vapores vel fumi; ambo agunt  
\* 97. vi Elasticâ \* ad calorem crescente: de his plus in-  
\* 142. frâ \*.

128. Circà Externas Applicationes observare oportet, tepidas fieri: nam frigida retinent tenorem æqualem, cum Aëre externo, & efficiunt, ut vasa vim elasticam fortio-  
\* 89. tiorem se contrahendo \* acquirant, moderato itaque gra-  
\* 89. du se contrahunt & venæ & arteriæ \*; sed simul liquores suos arteriæ fortiùs exprimunt, quorum effluxus ob-  
\* 44. stabit ingressui \* per has; venæ contractæ non patent, ut hâc ingrediatur liquor: sic per Balnea frigida videmus perspirationem promoveri (m), humores autem Corporis nostri non dilui: nec ullum datur signum, quod  
\* 52. liquor Balnei intret \* Corpus, cum frigidum sit.

I.

(†) Suppositoria.

(m) Quincy on Sanctör. aph. Sect. II. I. & 2.



129. 1. Lotiones & collyria agunt, vix premendo, nisi vi Atmosphæræ, quia Liquores in hoc casu ad minimam  
 \* 94. \* tantum altitudinem stant supra cutem. Alias igitur  
 \* 98. ut habeant conditiones \* introitui necessarias, plures concurrentes simul, annitendum est.
130. 2. Balnea, à quocunque liquore fiunt, premunt pro singulari ejusdem naturâ; qui, cæteris Conditionibus  
 \* 98. concurrentibus \*, hâc suâ pressione \* adactus in cutem,  
 \* 94. intrabit; inquinatus tamen simul per Humorem, si quis hoc tempore exeat ex corpore, expirantem.
- \* 54. Vel si agitur Liquor \*, intrabit vi, quâ impellitur in ora Vasorum admittentium.
131. Sumamus Liquorem, cujus pedem cubicum adæquant Libræ 50. pondere: Superficies Cutis nostræ spatium pedis quadrati circumscripta ad 4 pedes sub Liquore tali submersa sustinebit ex naturâ \* pressionis liquorum, usque ad pondus 200 librarum: sic si 10 pedum quadratorum superficies ad istam altitudinem hæreat, sustentura est 2000 libras: hoc spatium liberè assumo, quia totum Corpus non nisi per momentum sub Liquore aliquo teneri potest, & quoniam superficiei externæ variatur Extensio pro variis gradibus Obesitatis in eodem Homine, diversis temporibus.
132. Sic inter Pressionem Alcoholis, omnium post Aërem notorum Corporum levissimi, minimam; ad Argenti vivi maximam; percurrere poterit Medici prudentia omnes varietates: Aqua autem ferè semper usurpatur, cujus pressio differt diversis tempestatibus, vel augeri potest per Artem in eâ solvendo sales; sic notum est Aquam marinam suo genio ponderosiores dulci, magis premere: Experimenta (n) porrò nota evicere aquam  
 \* 115. certam copiam salis cujus vis dissolvere (uti \* supra); si tamen copiam certam aliûs salis adjicias, hanc iterum sol-

(n) Boerhaave. lect. publ. de Aqua.



solvere ad certum terminum, itidemque tertii, & sic deinceps. A copiâ igitur quâdam plurimorum salium simul mistorum, magis impregnabitur aqua, quàm si æqualem unius solummodò salis in eâ dissolvisses copiam: quod artificium semper usum suum habere poterit in

\*128. Balneis frigidis \*, ubi pressione majori opus est; & in calidis quoque, si cognitis salium in corpus tunc temporis, cum intrent, virtutibus, mali futuri nullus indicetur metus.

134. In Balneis calefiat liquor, quem adhibes; nam sic  
 \* 89. Canales \* dilatabuntur, premensque \* iste liquor facil-  
 \* 94. limè per venarum orificia intrabit; cum autem quò pro-  
 \* 94. fundiùs submersa hæreat Corporis pars, eò magis \*  
 prematur, ut ista pressio superet vim effluentis Humo-  
 \* 44. ris per fines Arteriarum, & ejus rivum, uti suprâ \*, re-  
 trovertat, fieri potest.

135. Bellini (o) dicit non necessarium esse, quòd Humor penetrans Corpus nostrum perspirationem impediat: hoc, inquit, patet in experimento de folliculo vitreo tenui foramine prædito, ubi eodem tempore ascendere & descendere Aquam & Vinum per idem foramen sine Alterutrorum Liquorum intermissione videmus: pergit (p) porro, „cum tamen alterutrum eorum Liquidorum non „effluat, cum sibi soli in aëre patet foramen totum, „unde etiam per foramina, & spatia Corporis faciliùs „poterit expirare perspiratio, cum subit aqua, quàm „cum in aëre detinemur,,.

Experimentum hoc (q) in tubo vitreo cum Globo conjuncto factum vidi, fecique sæpiùs; si tubus talis diametrum non habeat majorem  $\frac{4}{12}$  unciaë, impleatur-  
 que

(o) in M. S. ubi de Balneis. p. 147. & retidò 145.

(p) ibid. p. 148.

(q) hoc fecit Boerhaave in lect. publ. ubi de tenacitate aëris egit coram A.



que Liquore quovis, ex inverso nil cadet, ab aëre nempe sustentum: sic Alcohol in aëre non defluit ex tubo, neque Aqua. Si autem tubus cum globo suo aquâ impletus in Alcohol, quò visui appareat, Croco similique tinctum, immergatur, visurus es Aquam descendere, Alcohol illicò trans aquam, cum illâ verò nullatenùs se miscendo, ascendere, donec sic loca commutaverint ambo; dein aquam hanc similiter cum aqua falsâ idem pati: in quo Experimento observare licet, tenuiorem leviolemque intrâ tubum se insinuare Liquorem, dum spissior, ponderosiorque ex tubo exierit; unde concludere oportet, si liquor inveniatur tenuior leviorque liquore perspirato, appliceturque canalium nostrorum aperturis, talem forsan hâc ratione acturum esse; aquam verò sic tenuiorem leviolemque esse, nullo modo suscipere volo, ut demonstrem.

163. 3. Stillicidium † si seponamus caloris frigorisve \* Effectus, agit tantum collisione; Omnia enim corpora, \* 89. tam fluida, quam solida vim acquirunt sponte cadendo, 92. quæ casu majori crescit: unde quò ab altiori loco cadunt, eò majorem imprimunt vim in Corpus, in quod collidunt (r).

137. Liquores ex tubis profiliantes vi certâ pollent, quæ major fit, prout altitudo super orificium (f) è quo profiliunt, major est.

138. Liquores denique ex syringe projecti varios virium gradus habere possunt, sicuti dura corpora, quando projiciuntur: quoniam igitur vis quævis per syringem communicari possit, liquor illâ vi aget in Corpus, in quod determinatur: sic tribus modis Medicus potest determinare vim liquoris impingentis in cutem.

139. 4. Frictiones [humidæ] ponunt Liquorem aliquem interceptum inter cutem & instrumentum fricans; qui Li-

† Επεσπῶν.

(r) 's Gravesande. ibid. lib. I. c. 17.

(f) Ib. lib. II. c. 7.



Liquor itaque premetur ad cutem vi quâvis desideratâ,  
 \* 54. & agitabitur motu quaquaversum \*, quâcum violen-  
 72. tiâ lubebit; unde fieri potest, ut quodcunque cuti le-  
 viter adhæreat, abrumpatur; ut quod orificium cana-  
 nalis ullius occludat, abluatur; ut Liquore protruso  
 \* 53. sub membranis \* collapsis implicitisque, hæ eleventur;  
 denique ut inter omnes agitationes Liquoris, Directio-  
 \* 55. nes inveniantur, quæ illum in quosdam \* canales deter-  
 minaturæ sunt rectè hiantes.

140. 5. Fetus & Cataplasmata agunt, utpote corpo-  
 ra spongiosa liquore imbuta; quæ cuti applicata,  
 \* 94. vix nisi per \* pressionem Atmosphæræ in eam nitun-  
 tur; per Ligaturas autem vel alio artificio possunt con-  
 stringi ad libitum: unde effectus producent Balnei in-  
 star particularis. Sed ob levitatem moliscorum, quam-  
 vis tepida applicentur, citò perdunt calorem, ideò-  
 que sæpè ea renovare opus; quod incommodum apud  
 plurimos prævenitur, Tegulis formatis ad varias corpo-  
 \* 90. ris humani partes, quæ calefactæ \* moderatè, externè-  
 que applicatæ calorem diù æquabilem fermè sustinent;  
 vel quæ ipsæ facilius renovantur, quàm fotuum ma-  
 teries.

41. 6. Emplastra suâ tenacitate cuti hærentia, & ex den-  
 sâ compactâque facta materie, cavitatem quasi effor-  
 mant undique clausam; cujus superficies premitur vi  
 Atmosphæræ contra cutem, & cum poros vix habeat,  
 transitum non dat, avolaturæ aliter, expiratæ materieï,  
 quam itaque instar Alembici cogit & repercutit; un-  
 \* 115. de fieri potest, si hæc materies abluat vel \* dissolvat  
 quasdam Emplastri partes, ut iis impregnata (cum  
 coërceatur, prematur, &, quia ob densitatem ipsius em-  
 plastri videamus calorem à Corpore concipi retinerique,  
 tepida fervetur) iterum per venas \* recipi queat:  
 sic ubique per Emplastrum obtinebitur simile, quod  
 \* 47. dixi \* de cavitatibus Cerebri, Abdominisque; solummo-  
 dò mutabitur natura Humoris istius, particulis con-  
 jun-



junctis, unde Effectus, secundum prudentiam Medici, varii produci poterunt (†).

143. 7. Vapores, tam externæ Cuti, quàm internis \* Mem-  
 \* 11. branis applicati, similiter agunt per suam naturam \*:  
 \* 97. Quidam sunt adeò subtiles, ut per Solis \* calorem, per  
 \* 109. quem volitant per Auras, orificiis adaecti, eis subintrare  
 valeant; alii per vim ignis à Liquore vel Solido (t) cor-  
 \* 89. pore elevati, calore laxant \* Vasorum orificia, humi-  
 ditate emolliunt, ut sic laxari possint plùs, & minori  
 majorive vi in hæc impellentur, prout Elasticitatem  
 \* 97. minorem \* ab igne acquisiverint, vel majorem.

144. Quò hucusque per Experimenta constitit; Vapor ab  
 Alcoholi accenso ascendens, maximè emollire, laxare  
 orificia Canaliculorum & totam Cutem compertus est; quem  
 si colligas, superimpositâ Campanulâ vitreâ, dum ar-  
 \* 103. deat Alcohol, invenies esse non Spiritum \* inflamma-  
 bilem, sed Lympham quandam omnium, quam novi-  
 mus, tenuissimam subtilissimamque.

Sic quàm breviter poteram omnibus, quæ propone-  
 bam, percursis, ad finem tandem appello Itineris longio-  
 ris equidem, quàm in initio putaveram fore; imò plu-  
 rima vel leviter attigi, vel omninò præterii, metuens  
 ne vos Cl. P. illis retardando, ultrà Patientiæ fatigem  
 Limites.

† Sic videmus Emplastrum vermifugum ex Aloe, Colocynthi-  
 de &c. purgare.

(t) Rhabarbari, Myrobalani, Tabaci, Colocynthidis fumus  
 purgant vid. Pechlin. cap. 8.

F I N I S.



# Quæstiones disputandi causâ.

## I.

*An vita possit suslineri per Externa Cuti applicata?*

## II.

*An detur Circulatio localis?*

## III.

*Data Circulatione locali, an Medicamentum quoddam per Canales ultimos in certo loco Corporis intrans Corpus, post transitum per Cor, haud acturum sit magis per Canales istius loci Arteriales, quàm aliûs; nisi alibi omninò similes deprehendantur.*

## IV.

*An Lac recens tepidumque, per fotum cuti applicatum, Liqueorem in Corpus insinuare possit, ferè Spirituosum?*

## V.

*An Liquores tepidi magis quàm frigidi, per Balnea vel fotus applicati profuturi sint in Aquam paventibus [ῥέγοντες]? an nocituri?*

## VI.

*Corpore usui Argenti vivi adeò assuefacto, ut usitati effectus in eo non ampliùs producantur, an Argentum vivum impregnatum Auro ad certam copiam, producturum sit tales effectus, in hoc corpore, quales Argentum vivum purum, in corpore non assuefacto?*

F I N I S.